

卷〇四九二七 玄字

卷〇四九二八 玄字

永樂大典

百九三

永樂大典卷之四千九百二十七

士先

玄 太古經五

天玄樂首第二十四三一方三州二部三家

陳仁子輯注愚曰樂九五

盛而物欣榮也夫樂以人孰若樂以天和氣一噓百卉怒張幾天乎九五

一飛萬物咸覩幾人乎故陽在地中而雷未聲則為復樂之始也陽奮地

上而雷發聲則為豫樂之成也玄自首周二十變而至于樂樂其可知也

己鍾鼓管絃之和民神獸鳥之般蓋天籟自鳴天機自動而不知其所為

禽

使所謂天也樂

陳仁子輯注范云天玄陰家陸水中上象豫卦 胡次和

六

集注司馬云音洛陰家水亦準豫入樂次也三分一十八秒日次大梁清  
明氣應斗建辰位律中姑洗陽始出與舒疊得以和淖物咸喜樂陳仁子  
輯注范云行屬於水謂之樂者春分氣終此首之次四清明氣起此首之  
次五與暖也疊積也言是時陰氣已消陽氣息止萬物暖暖積滯舒生和  
淖百卉莫不喜樂故謂之樂樂初一日入冒宿五度 胡次和集注邵云  
入冒四度司馬云淖奴教切和也清明之初陽始發出幽與舒展疊積之  
物皆得和淖而喜樂也初一獨樂款款及不遠陳仁子輯注范云水性滄  
下一獨在下不交於上故獨樂也款款獨樂貌喜樂之事與衆共之所及

不遠故款款也測曰獨樂款款淫其內也陳仁子輯注范云樂不及遠故

淫內也胡次和集注司馬云范曰款款獨樂貌光謂一為思始而當夜

小人獨樂其身而不能與眾共之者也次二樂不知辰于天陳仁子輯注

范云火性炎上而在樂世故相喜而不知也辰時也時於天時以生萬物

亦所以為樂也測曰樂不可知以時歲也陳仁子輯注范云事天以意以

樂歲事胡次和集注司馬云陸曰謂行德政使民惟樂若天時然民不

知政之所為也章云二君盡處樂之世以樂失位雖居其樂不知其然而

然者蓋得自然之樂于天也故測曰時歲也次三不宴不雅嗥呶啞咋號

吽倚戶陳仁子輯注范云三為進人始富及時未有官爵故不宴遊有雅

樂也噪呬號吽皆憂也三亦為戶憂樂失節故倚戶也先憂後戲知不雅

也測曰不宴不雅禮樂廢也陳仁子輯注范云憂樂不節故廢之也胡

次和集注鄭云噪古呬字從臬者談呬古胡切啞乙白切咋側草切大聲

也號亦作嘯胡牢切吽徒刀切司馬云王太噪作嘯今從諸家噪古弔五

弔二切啞音厄咋音責王曰噪呬啞咋皆歡笑之聲也尤謂宴安也雅正

也三為成意而富夜葉廢禮樂沈湎淫佚廢禮則不得其安廢樂則不得

其正雖噪呬啞咋苟窮目前之樂其憂患何逮哉近倚戶外而已詩魚藻

刺幽王言萬物失其性王居鎬京將不能以自樂 林希遠庸齋集樂古

予切啞音厄咋音責啞音責啞音孤皆不樂之聲也雅雅樂也不享飲不

用正樂但喙啞啞咋以度日至於死亡而號咷者倚戶矣即今者不樂道者其亡

之意次四拂其繫絕其縞佚厥心陳仁子輯注范云四為公侯縞網也佚

樂之家不謹禮節故有網繫之事金性剛直拂而去之上輔於五故其心

佚訓曰拂繫絕縞心誠快也陳仁子輯注得仲臣節故心快也 胡次和

集注司馬云繫與系同縞戶圭切拂去也縞維網中絕也四為條暢而當

畫君子志道樂以忘憂外物不能累佚莫先焉故曰拂其繫絕其縞佚厥

心章云四居畫君子也金為允悅性於果決處<sup>樂世</sup>之樂能拂其除繁滯以

供其心蓋知時義者也故測曰心誠快也范謂上輔於五得臣之義蓋迂

說也次五鍾鼓喑喑管絃嚕嚕或承之衰陳仁子輯注范云喑喑和聲也

嚕嚕憂悲也五為天子當總理萬機樂而無節有似商紂牛飲長夜哀承

憂興終以失位測曰鍾鼓喑喑樂後悲也陳仁子輯注范云極樂憂為故

後悲也胡次和集注鄭云集韻嚕嚕莊皆切笑貌舊在諧切按嚕嚕嘗也與

注異不可用司馬云嚕側皆切嚕嚕哀思之聲五以小人而享盛福恣其

淫樂樂極必悲盛極必衰也次六八樂無間民神禽鳥之般陳仁子輯注

范云般樂也宗廟之中神人以神和故大樂也天位施絕血食不供聖體不

繼故稱民神與禽獸為樂也訓曰大樂無間無不懷也陳仁子輯注范云

懷思也思宗廟之中事神明也胡次和集注司馬云般蒲干切王曰六

居盛位當晝之時為首之主無間者天地之間萬物咸樂人神鳥獸各遂

其性而般遊光謂般樂也六為隆福為盛多為極太平之君子兼利萬物

無有間異民神禽鳥靡不得所樂孰大焉四為下祿猶苦其身六為上祿

兼利天下者也次七人嘻鬼嘻天要之期陳仁子輯注范云七為矢志鬼

以喻明嘻笑樂貌家性為樂故有嘻笑之辭矢志道窮故要之以期也六

為七鬼水王而火死也測曰人嘻嘻稱樂畢也陳仁子輯注范云早宜

自樂水盛火衰而天期乞也

記

胡次和集注司馬云宋陸本畢作卑今從

范本要於宵切王曰要約也光謂嘻嘻聲也七為禍始而當夜小人樂極

禍來人鬼共嘆大命近止而不自知也林希通庸齋集嘻嘻也小人虐

衆以自樂人鬼共嗟怨之得禍必速矣要約也約少其期言不久也次八

嘻嘻自懼亡彼愆虞陳仁子輯注范云八木也到秋而懼故先嘻嘻也愆

過也過虞不戒故亡也測曰嘻嘻自懼終自保也陳仁子輯注范云保安

也而常自戒是救憂患之道而終自安也胡次和集注司馬云王曰樂

道研極又居禍中危之道也然而得位當重善於禍過是於嘻嗟哭樂之  
中而能自懼則無愆過與憂虞矣上九極樂之幾不移日而悲則哭泣之  
嗟資陳仁子輯注范云九為極家性為樂樂極憂興故哭泣嗟資憂哀之  
貌也易曰齋資涕洟此也窮上反下灾在下存故不移日而悲哀測曰極  
樂之幾信可悔也陳仁子輯注范云憂悔一至悔何及也 胡次和集注

鄭云幾音機危也樂極憂興危可知也嗟舊音嗟按此古嗟字司馬云幾  
音機嗟資與嗟皆同陸曰幾危也王曰居樂之極而又當夜故不待移日  
而悲至矣則哭泣嗟皆也先謂三者戒之於思五者戒之於福九者戒之

於禍大指皆言樂不可極使人始終反覆常念之也 林希逸屬齋集樂

至於極哀之幾也其至不易日矣錢賓興嗟咨同即樂極則哀來之意

### 天玄爭首第二十五

三方三州三部一家

陳仁子輯注愚曰爭者陽

盛而物競求者也物求直而後有訟物求遂而後有爭故惟天下之剛者

始能直而遂之也訟者乾陽在上力制坎險故訟者各以公而言爭者四

陽一牡能制萬物故爭者各以矜而赴玄曰陽氣犯施物與爭訟則高高

下下之窮無窮也形形色色之盡無盡也將爭赴陶冶之爐而不自知其

然也問之天空空冥冥吾不知其名爭陳仁子輯注范云天玄陽家七

火上下象訟卦 胡次和集注司馬云陽家火準訟陽氣氾施不偏不頗

物與爭訟各遵其儀陳仁子輯注范云行屬於火謂之爭者言陽氣氾施

於上無私於下故萬物爭訟而長各守其儀容故謂之爭爭之初一日入

胃宿九度 胡次和集注司馬云氾敷梵切施式鼓切頗普何切儀宜也

陽氣氾施平均物皆爭進求遂其宜也詩由儀美萬物之生各得其宜初

一爭不爭隱冥陳仁子輯注范云水性柔順故爭為不爭以正故卑以致

高故隱冥測曰爭不爭道之素也胡次和集注司馬云陸曰素質也王曰

爭不爭謂爭于未形之時不見其迹也元謂一為思始而當置君子也執道

之素爭於不爭之地外無其迹而物莫能勝也章云一居畫君子也處爭

之士世潛德居下心之所競以道為勝不形於外不與物爭故曰爭不爭藏

之在心故曰隱冥測謂道之素者蓋謂道之本也 林希逸屬齋集隱冥

無形之中也以不爭而善勝然運於無形之中此天道也素即太素也次

二赫河臞陳仁子輯注范云赫虛臞耗也河為水百川所聚二者火也

而在火行所乾故虛耗也爭居下流道之美素測曰赫河之臞何可憫也

陳仁子輯注范云水火相害不可怙恃也 胡次和集注司馬云赫呼嫁

切臞其俱切瘠也憫與怙同口拒人謂之赫河之潰溢誰能拒之而臞瘠

之人不量其力乃欲以口嚇之何足恃也詩云反予來赫林希逸廣齊

集嚇呼駕切個與怙同以口拒人曰嚇詩云伊予來嚇人不量力如河方

濱而以口嚇之徒自矜春何可恃也次三爭射齟齬陳仁子輯注范云齟

齬戴笑貌三為進人進德修業狂於大射君子心爭終無間恨故齟齬戲

笑也測曰爭射閤閤諫君子上鄰也陳仁子輯注范云揖讓而升故讓鄰也

胡次和集注司馬云范本齟齬作閤今從宋陸王本射神夜切齟音鋸王

曰君子之爭惟射而已齟齬動至貌讓鄰與讓相近也其意讀齟為齟也

先謂齟與閤同閤閤恭讓貌孔子曰君子無所爭必也射乎揖讓而升下

飲其爭也君子章云三居畫君子也處爭之時以藝為勝雖爭其勝指

讓為先禮貴於和故齟齬然笑樂其測曰君子讓鄰鄰即隣黨也次四爭

小利不苟貞陳仁子輯注范云貞正也首就也四金也金以木為利火世

性

炎上利以遠及三則退故曰不就不就小利故貞也測曰小利不絕正道

乃昏也陳仁子輯注范云小利為爭故正道昏亂胡次和集注司馬云

王曰爭不以道而爭於小利為宜其不成就貞正之道矣次五爭于遠利

以無方陳仁子輯注范云五處中位故稱遠遠九遠道也五為天子執德

中也測曰爭于遠爭處中也陳仁子輯注范云三欲射上為四所抑故爭

處中之位也 胡次和集注司馬云范曰五處中位故稱達達九達道也

尤謂五為中和而當盡君子執道之要統理之會應變無方物莫能爭次

六臂膊脰如股脚臄如維身之疾陳仁子輯注范云臄大也枝大於幹臣

大於君皆為疾也六為宗廟下之所奉而在爭勢不降禮讓故為疾也測

曰臂脰如股臄大臄也陳仁子輯注范云君微臣盛是國之病 胡次和

集注鄭云膊補各切肩甲也說文作膊從肉從骨其義一也脰舊故定切

臄也臄舊音臄肉脹起按臄與瘰同司馬云王小宋本臄作脰其音迭腫

也今從宋陸范本測曰臂脰如股 今從宋陸王本范曰枝大於幹臣

大於君皆為疾也光謂臂膊脛如言臂大如脛不可使也膜音噴肉脈起也六以陰質過中極大如臣之疆盛君不能制者也賈誼曰天下方病大瘡一脛之大幾如掌一指之大幾如股次七爭干及予鞬用亨于王前行陳仁子輯注范云干盾也予戈也鞬甲也亨通也七為戈兵而在爭家動作則爭被甲荷戈以禦不善故利用通王之前道測曰戈予之爭衛君躬也干陳仁子輯注范云詩伯也執殳為王前驅此也胡次和集注司馬云王本爭干及矛作爭干及方測曰干方之事爭今從諸家宋陸本用亨于王前行作用亨于前行今從范王本鞬與曹同行戶郎切七為禍始用兵以爭

享王